

**«С.НҰРМАҒАМБЕТОВ АТЫНДАҒЫ №72 ЖАЛПЫ ОРТА БІЛІМ БЕРЕТІН
МЕКТЕБІ» ШАРУАШЫЛЫҚ ЖҮРГІЗУ ҚҰҚЫҒЫНДАҒЫ
МЕМЛЕКЕТТІК КОММУНАЛДЫҚ КӘСІПОРНЫНДА ӨТКІЗІЛГЕН
ПРОФИЛАКТИКАЛЫҚ КЕҢЕС ОТЫРЫСЫНЫҢ
№ 3 ХАТТАМАСЫ**

Шымкент қаласы

24.12.2024ж.

Қатысқандар:

- 1) Усманов Б.Н.- кеңес төрағасы, мектеп директоры;
- 2) Құрманбай Г.Т.- кеңес мүшесі, директордың тәрбие ісі жөніндегі орынбасары;
- 3) Исманова Р.Э.- кеңес мүшесі, директордың тәрбие ісі жөніндегі орынбасары;
- 4) Утебаев Т.Б.- кеңес мүшесі, директордың тәрбие ісі жөніндегі орынбасары;
- 5) Бекбосынова К.Д. – кеңес мүшесі, педагог - психолог;
- 6) Қуандық Н.Т. - кеңес мүшесі, педагог - психолог;
- 7) Сеймурат Ж.Л. - кеңес мүшесі, әлеуметтік педагог;
- 8) Асилбекова З.Б. - кеңес мүшесі, әлеуметтік педагог;
- 9) Серікбаев Ж.Ж. - мектеп инспекторы;
- 10) Тасходжаева Г.Р. – хатшы

КҮН ТӘРТІБІНДЕ:

1. I жарты жылдықта себепсіз сабаққа қатыспаған оқушылар, үнемі сабаққа кешігіп келетін оқушылар туралы.

/ДТІЖО Г.Т.Құрманбай/

2. II тоқсан барысында сабақ уақытында сұранбай, ескертусіз мектептен шығып кететін және тәртібі нашар оқушылар туралы

3. "Сенім жәшігінің" жұмысы туралы

Педагог-психолог /К.Д.Бекбосынова Н.Т.Қуандық/

4. Кәмелет жасына толмағандар арасындағы құқықбұзушылықтың алдын алу бойынша мектеп инспекторымен бірлесіп атқарылған жұмыстар туралы.

/ДТІЖО Г.Т.Құрманбай/

/Мектеп инспекторы Ж.Ж.Серікбаев/

КҮН ТӘРТІБІНДЕ:

Күн тәртібіндегі 1-ші мәселе бойынша директордың тәрбие ісі жөніндегі орынбасары **Құрманбай Гүлбақыт Тайжанқызы** I ауысым бойынша 8-11 сынып оқушыларының I жарты жылдықта себепсіз сабаққа қатыспаған оқушылар, үнемі сабаққа кешігіп келетін оқушылар туралы және шара қолдану заңдылықтарына тоқталып өтті.

-2024-2025 оқу жылының қыркүйек айынан бастап оқушылардың сабаққа қатысуы туралы мәліметті ашылған ватсап желісі арқылы сынып жетекшілерден күнделікті алып отырамыз. Себепсіз сабақтан қалған балаларға айыппұл салу жайлы ҚР Білім және ғылым министрлігінің ешқандай бұйрығы жоқ. Бірақ қалалық білім басқармасынан келген сабаққа себепсіз келмейтін оқушылармен жұмыс жүргізу алгоритмімен жұмыс істейміз.

Ата-аналарға Әкімшілік құқықбұзушылық туралы Кодекстегі 127-бап бойынша бала себепсіз 10 күннен астам мектепке келмесе, алдымен ата-анасымен жұмыс жасалынатындығы, бала мектепке мүлдем бармаса Әкімшілік құқық бұзушылық туралы Кодекстің «Қазақстан Республикасының білім беру, дене шынықтыру және спорт саласындағы заңнамасын бұзу» туралы 409-баптың 2-тармағында «Ата-аналардың немесе өзге де заңды өкілдердің Қазақстан Республикасының білім беру саласындағы заңнамасында көзделген міндеттерді орындамауы немесе тиісінше орындамауы –

ескерту жасауға немесе 5 айлық есептік көрсеткіш мөлшерінде айыппұл салуға әкеп соғады» делінген заңнамалармен түсіндірме жұмыстары жүргізілген.

Күн тәртібіндегі екінші, үшінші мәселелерге, яғни “II тоқсан барысында сабақ уақытында сұранбай, ескертусіз мектептен шығып кететін және тәртібі нашар оқушылар туралы» және “Сенім жәшігінің” жұмысы туралы мәселесіне педагог-психолог **Бекбосынова Кулия Дәулетқұлқызы** тоқталып өтті.

Мектепшілік сенім жәшігі 1-2 қабатта оқушыларға және ата-аналарға ыңғайластырып орналастырылған. Жұмыс жасау қызметі оқушылар мен ата-аналарға, сынып жетекшілерге түсіндіріліп баяндалды. Сенім жәшігіне түскен шағым хаттарды аптасына 1 рет қарау және жұмыс жасауға мектеп директорының бұйрығымен комиссия мүшелері сайланған. Түскен арыз шағымдарымен комиссия мүшелері танысып, «Сенім жәшігінен» арыз-шағымдарды алу Актісі түзіледі. Сенім жәшігіне түскен шағым хаттарды тіркеу және сенім телефонына түскен қоңырауларға уақытылы жауап беру, қолда көрсету мектептің психологтарына жүктелген.

II тоқсан барысында сабақ уақытында сұранбай, ескертусіз мектептен шығып кететін және тәртібі нашар оқушылар туралы» анықталған оқушылардың сынып жетекшілерімен ата-аналарымен үздіксіз жұмыс жүргізіп жатқандығын айтып өтті.

«Кәмелет жасына толмағандар арасындағы құқықбұзушылықтың алдын алу бойынша мектеп инспекторымен бірлесіп атқарылған жұмыстар туралы» мәселеге директордың тәрбие ісі жөніндегі орынбасары **Құрманбай Гүлбақыт Тайжанқызы** тоқталды.

- Құқық бұзушылық — қоғамға зиян келтіретін және заң бойынша жазаланатын қоғамға қарсы әрекет. Бүгінгі таңда қоғамның алдында тұрған басты міндеттердің бірі — балалар мен жасөспірімдер арасындағы құқық бұзушылықтың алдын-алу, кәмелетке толмағандар арасындағы қылмыстың өсуіне жол бермеу.

Егер оқушы ережені бірінші рет бұзса және бұзушылық елеулі немесе ауыр болмаса (бұл ішкі ережелерде егжей-тегжейлі көрсетілген), онда ол сынып жетекшісімен немесе директордың орынбасарымен, мүмкін, директормен кездеседі, ауызша ескерту алады.

Егер оқушы бірнеше рет ережені бұзған болса немесе елеулі немесе ауыр бұзушылықтардың бірін жасаған болса, оның әрекеті мектепшілік тәртіптік комиссиясында қаралады.

Тағы да қайталанса, мектептің ұсынысымен кәмелетке толмағандар ісіне арналған комиссияда қаралады да, әрі қарай полиция департаментімен бірлескен жұмыстар жүргізіледі.

ЖАРЫС СӨЗГЕ:

Мектеп инспекторы Ж.Ж.Серікбаев:

- Құқықбұзушылықтың алдын алу мақсатында ЮПТ-мен және тәрбие бөлімімен бірлескен жоспар бойынша жұмыстар атқарылады. Жасөспірімдердің құқықтық тәртіп бұзушылығының алдын алу мәселесі қазіргі таңда тәрбие саласындағы маңызды міндеттерінің бірі болып саналады. Себебі, соңғы жылдары мектеп оқушылар арасында құқық тәртіпті бұзушылардың саны көбейе түсуде. Осы мақсатта білім беру мекемелерінің жергілікті басқару, ішкі істер органдары, мәдениет, дене шынықтыру және спорт, ішкі саясат бөлімдері, медицина қызметкерлерімен біріккен іс-әрекеті жоғары сапа мен жұмыс нәтижесін бере алады. Ал егер осы жұмысқа ата-аналар да белсенді ат салысса нұр үстіне нұр болар еді. “Кәмелетке толмаған балалар арасында қылмыстың және құқық бұзушылықтың алдын алу”, «Девиантты мінез құлық танытатын қыздарға арналған арнайы тәрбиелік шаралар», «Қауіп тобына» жататын балалармен жан-жақты жұмысты жандандыру барлығымыздың міндетіміз.

Утебаев Т.Б.- кеңес мүшесі, АӘД пәнінің мұғалімі;

- Құрметті әріптестер, қылмыстың қоғамдағы зияны мен адам тағдырын адастыратын іс екенін әрқайсымыз жете түсінуге тиіспіз. Мектеп пен жанұяда жақсы қасиеттерді бойға сіңіріп, тәрбиелі, мәдениетті, білімді адам болуға ұмтылу керекпіз. Құқықтық тәрбие мен құқықтық мәдениетті санаға сіңіріп, өзімізді және қасымыздағы адамдардың жеке басын қадірлеп, құрметтейік.

Құқықтық кеңес - заңсыздықты, тәртіп бұзушылықты қарастыратын, себептерді анықтайтын консультативтік-кеңесші ұйым, ол тәртіп бұзған адамға қатысты қандай шара қолдану қажеттігі туралы шешім қабылдайды. Сондықтан да бала тәрбиесімен жан-жақты айналысып, баланы түзу жолға салу міндетіміз.

ҚАУЛЫ:

- 1.Сабақтан себепсіз қалатын оқушылармен жұмыстар жандандырылсын.
- 2.«Сенім жәшігінің» жұмысы жүйелі жүргізіліп, жаупты мамандар тарапынан жауапкершілік арттырылсын.
- 3.ІІ тоқсан барысында сабақ уақытында сұранбай,ескертусіз мектептен шығып кететін және тәртібі нашар оқушылармен жұмыстарды жүргізу педагог-психологтар мен мектеп инспекторына және сынып жетекшілеріне жүктелсін.
- 4.Кәмелет жасына толмағандар арасындағы құқықбұзушылықтың алдын алу бойынша мектеп инспекторымен бірлесіп атқарылған жұмыстар жандандырылсын.

Кенес төрағасы:

Б.Н.Усманов

ДТІЖО:

Г.Т.Құрманбай

Хатшы

Р.Э.Исманова

Г.Р.Тасходжаева